

長沙方歌括



長沙方歌括卷四

閩長樂陳念祖修園著

長男

蔚古愚擬註

次男元犀靈石叅訂

孫男心典全校字

太陽方

柴胡桂枝湯

治傷寒六七日發熱微惡寒支節煩疼微嘔



北京中医药大学图书馆版权所有

心下支結外證未去者此湯主之

又發汗多亡陽譫語不可下與柴胡桂枝湯

和其營衛以通津液後自愈

柴胡 四兩

黃芩 一兩

人參 一兩

半夏 二合

甘草 二兩

桂枝 一兩

芍藥 一兩

生薑 三兩

大棗 十二枚

右九味以水七升煮取三升去滓溫服

歌曰小柴原方取半煎桂枝湯入複方全

生薑大棗



北京中医药大学图书馆版权所有

甘草二方俱有。只取桂枝湯之半。陽中太少須記之。○七方大、小、輕、重、奇、偶、復相因病偏重柴胡作仔肩。

蔚按小柴胡湯解見本方。此言傷寒六七日。

一經已周。又當太陽主氣之期。其氣不能從胸而出入。結於經脈。以及支絡。故取桂枝湯以除發熱惡寒。藉小柴胡湯以達太陽之氣。從樞以轉出。

柴胡桂枝乾薑湯

治傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此爲未解也此湯主之

柴胡

半斤

桂枝

三兩

乾薑

二兩

黃芩

三兩

牡蠣

二兩

甘草

二兩炙

栝蒌根

四兩

右七味以水一斗二升煮取六升去渣再煎取三升溫服一升日三服初服微煩復服汗



出便愈。

歌曰八柴二草蠟乾薑芩桂宜三括四嘗。不嘔
渴煩頭汗出。少陽樞病要精詳。

張令韶曰。傷寒五六日。厥陰主氣之期也。厥
陰之上。中見少陽。已發汗而復下之。則逆其
少陽之樞。不得外出。故胸脇滿微結。不得下
行。故小便不利。少陽之上。火氣治之。故渴。無
樞轉外出之機。故不嘔。但頭汗出者。太陽之

津液不能旁達。惟上蒸於頭也。少陽欲樞轉而不能。故有往來寒熱之象也。厥陰內屬心。包而主脈絡。故心煩。此病在太陽而涉厥陰之氣。不得少陽之樞以外出。故曰此爲未解也。用柴胡桂枝黃芩。轉少陽之樞。而達太陽之氣。牡蠣啓厥陰之氣。以解胸脇之結。萸根引水液以上升而止煩渴。汗下後中氣虛矣。故用乾薑甘草以理中。

半夏瀉心湯

治傷寒五六日嘔而發熱者柴胡證俱在而
以他藥下之柴胡證仍在者復與柴胡湯此
雖已下之不爲逆必蒸蒸而振却發熱汗出
而解若心下滿而鞭痛者此爲結胸也大陷胸湯主
之但滿而不痛者此爲痞柴胡不中與之宜此湯

半夏

半升

黃芩

三兩

乾薑

三兩

甘草

三兩

人參

三兩

黃連

一兩

大棗

十二
儀

右七味以水一斗煮取六升去渣再煎取三升溫服一升日三服

歌曰三兩薑參炙草芩。一連痞證嘔多尋。整升

半夏棗十二。去滓重煎守古箴。

蔚

按師於此證開口卽云傷寒五六日嘔而

發熱柴胡證俱在者五六日乃厥陰主氣之期厥陰之上中見少陽太陽之氣欲從小陽



之樞以外出。醫者以他藥下之心。下滿而
痛者爲結胸。但滿而不痛者爲痞。痞者否也。
天氣不降。地氣不升之義也。芩連大苦以降
天氣。薑棗人參辛甘以升地氣。所以轉否而
爲泰也。君以半夏者。因此證起於嘔。取半夏
之降。逆止嘔如神。亦卽小柴胡湯去柴胡加
黃連以生薑易乾薑是也。古人治病不離其
宗。如此。

附結胸臆結痞證辨

結胸爲陽邪。臆結與痞爲陰邪。但臆結結於下。痞結於上也。結於下者。感下焦陰寒之氣。化結於上者。感上焦君火之氣化也。

十棗湯

治太陽中風下利嘔逆表解者乃可攻之。其人漿漿汗出發作有時頭痛心下痞鞭滿引脇下痛乾嘔短氣汗出不惡寒者此表解裏



未和此方主之

芫花

熬

甘遂

大戟

右三味等分各別搗爲散以水一升半先
煮大棗肥者十枚取八合去渣內藥末強人
服一錢七羸者服半錢七溫服之平旦服若
下少病不除者明日更服加半錢七得快下
利後糜粥自養

歌曰

大戟芫花甘遂平妙將十棗煮湯行中風

表證全除盡裏氣未和此法程。

蔚

按太陽爲天天連於水。太陽中風風動水。氣水氣淫於上則嘔逆。水氣淫於下則下利。水氣聚於心下則爲痞。且鞭滿引脇而痛也。其人熱熱汗出頭痛乾嘔短氣汗出等證宜辨。若惡寒爲表未解不可攻之。若不惡寒爲表解而裏未和宜用此湯。第三味皆辛苦寒毒之品。直決水邪大傷元氣。柯韻伯謂參朮

所不能君。甘草又與之相反。故選十棗以君之一。以顧其脾胃。一以緩其峻毒。得快利後。糜粥自養。一以使穀氣內充。一以使邪不復作。此仲景用毒攻病之法。盡美又盡善也。

大黃黃連瀉心湯

治傷寒大下後復發汗心下痞按之濡其脈關上浮緊者此方主之若有惡寒者表未解也宜先解表然後攻痞

大黃 二兩

黃連 一兩

右二味以麻沸湯二升漬之須臾絞去滓分

溫再服

歌曰痞證分歧辨向趨關浮心痞按之濡大黃

二兩黃連一麻沸湯調病緩驅

蔚

按心下痞按之濡而不鞭是內陷之邪與

無形之氣搏聚而不散也脈浮在關以上其勢甚高是君火亢於上不能下交於陰也此



感上焦君火之化。而爲熱痞也。方用大黃黃連大苦大寒以降之火。降而水自升。亦所以轉否爲泰法也。最妙在不用煮而用漬。僅得其無形之氣。不重其有形之味。使氣味俱薄。能降而卽能升。所謂聖而不可知之謂神也。

附子瀉心湯

治心下痞而復惡寒汗出者此湯主之

大黃 二兩

黃芩 一兩

黃連 一兩

附子

一枚炮去皮破別煮取汁

右四味切三味以麻沸湯二升漬之須臾絞

去滓內附子汁分溫再服

愚按麻沸湯漬者微取氣不取其味也。

也。

歌曰一枚附子瀉心湯。一兩連芩二大黃。汗出

惡寒心下痞。專煎輕漬要參詳。

蔚

按心下痞是感少陰君火之本熱也。復惡

寒者復呈太陽寒水之本寒也。汗出者太陽